



Tuâl'jõž ääi'j

Tuâl'jõž ääi'j. Täk sää'n alttee toobdâs jooulevanğe'liumi. Evanğe'listt Luukas čâânn Isôs šoddâmpee'v tiõttum äigga da päikka. Tõt lij čõnnum keisar Augustus vaaldšempâjja Rooma vä'lddkââ'ddest da suu vä'lddkââ'ddes piidpiijjâm ääi'jpo'dde. Galilea'je da Judaa'je.

Tõin kuõ'i'tin saa'nin "tuâl'jõž ääi'j" lij činğlab miârkktoš gu mij täujja ju'rddep. Evanğe'listt haa'lad täin saa'nivui'm sârnad, što Isôs lij tuõdlaž da historiaal'laž ooumaž, kââ'tt lij puättam pie'kķen mij historiaal'laž maai'lm.

Vuõssmõs joullân Vuâspåå'd Pärnn šõõddi ooumžen Betlehem stää'ljest. Tãn šõddmõõžž kâčča teologiâst inkarnaatiaa'jen, sää'n meâldlânji jâarglõttum Vuâspåå'd "vue'žžen puättmõššân" – le'be ooumžen šõddmõššân.

Inkarnaatia vuäitt kuulsted teoreettlaž juurdceälkkmõššân. Kuuitâg tõ'st lij kōõččmõš samai konkreetlast da ååskte'mes šõddmõõžžâst. Inkarnaatia sii'skad jorddmõõžž, što Vuâspåå'd puõ'di jiõglvõ'žžen åå'rjen oummi aarktlaž mue'kķi kō'skķe. Tuõ'di son puõ'di jue'kķed še kuärg da spä'ssebvuõđ toobd.

Jooul da inkarnaatia ko'lle õ'hte. Inkarnaatia õmmâz le'be Vuâspåå'd tänâlmma puättmõõžž mij prää'znkâ'sttep še tän jooul äärm ee'kķen 2025.

Leša mõõk liâ tõk tänââ'lm mue'kķ da huõl, koi kōõskâst Vuâspåå'd tän jooul lij mijvui'm? Mue'kķ liâ määngnallšem, õhttjõõžž da globaal. Vâjja lee'd huõl vääinast, äimm-muttsest, personpuõttlaž täälâst le'be aarg huõl puä'resoummi hâaid vue'jjest tän jânnmest. Vâjj lee'd še mue'kķ puõccmõõžžâst, õhttnažvuõđâst le'be miârkte'mesvuõđ toobdâst.

Inkarnaatia mie'rķkad, što Vuâspåå'd ij leäkku pâi ko'st-ne jiijjâs vuu'dest, ku'kķen täin huõlin da mue'kķin. Ij, son lij tuõttää'sšest tänââ'limest. Son lij tuin mue'kķi da huõli kōõskâst. Tãn jooul Vuâspåå'd lij še Isõõžžâst jiõglvõ'žžen tänââ'lm kriispaai'ķin, Ukrainaa'jest, Israee'lest da Palestiinâst, Sudaanast da jee'res paai'ķin, ko'st ij leäkku ålggsaž rääh.

Maai'lm veä'lštemvuõđ da mij personpuõttlaž huõli kōõskâst Betlehemâst šõddâm Spasite'l mâ't-a aaggâst jie'llemjeällmõõžžin da ceälkk: "Rääh ti'jjid". (Luuk. 24: 36) da gu son lij kiččlâsttam ooumažvuõ'tte kuulli mue'kķid jiõčč jiijjâs krâåppast, de son vuäitt veä'kķted mi'jjid.

Blouslõvvum jooulid, Spasite'l šõddâmprää'znkid Ti'jjid da õöldâsoummid.

Oulust adve'ntt ääi'j kâittmen 2025

Jukka Kesitalo
Oulu aa'rhelkââ'dd pispppiispa